

Ed.

168. Frumvarp

til laga um heimild fyrir Landsbanka Íslands til þess að kaupa nokkurn hluta af vixlum og lánum útibúa Útvegsbanka Íslands h/f á Ísafirði og Akureyri.

Frá fjárhagsnefnd.

1. gr.

Landsbanka Íslands veitist heimild til þess að kaupa af Útvegsbanka Íslands h/f vixla og lán útibúa téðs banka á Ísafirði og Akureyri, allt að 2500000 kr., vegna inndráttar á seðlum þeim, er Útvegsbanki Íslands hefir nú í umferð.

2. gr.

Lög þessi öðlast þegar gildi.

Greinargerð.

Frumvarp þetta er flutt fyrir tilmæli fjármálaráðherra. Hefir Útvegsbanki Íslands h/f snúið sér til hans með beiðni um, að hann legði þetta mál fyrir þingið. Vegna ákvæða 14. og 69. gr. laga nr. 10, 15. apríl 1928, getur seðladeild Landsbanka Íslands eigi keypt umrædda vixla og lán nema sérstök lagaheimild liggi fyrir.

Hér með fylgir bréf Útvegsbanka Íslands h/f til fjármálaráðherra, dags. 15. f. m., ásamt bréfi bankaráðs Landsbanka Íslands til fjármálaráðuneytisins, dags. 27. f. m.

Einn nefndarmanna (Jónþ) hefir áskilið sér óbundið atkv. um efni frv.

Fylgiskjal I.

Reykjavík, 15. júlí 1931.

Samkvæmt 15. gr. laga um Útvegsbanka Íslands h/f og um Íslandsbanka bar Útvegsbanka Íslands þegar í stað að draga úr umferð seðla Íslandsbanka. Þetta ákvæði áður nefndra laga hefir Útvegsbankinn til þessa ekki séð sér fært að uppfylla sökum fjárskorts.

Útvegsbankinn hefir farið þess á leit við Landsbanka Íslands, að hann keypti 2 af útibúum bankans (á Ísafirði og Akureyri) og að andvirðið, að frá-dreginni þeirri upphæð, sem Útvegsbankinn yrði að greiða innistæðueigendum í útibúunum, gengi til inndráttar á seðlum Íslandsbanka.

Nú hefir stjórn Landsbanka Íslands látið það í ljósi, að bankinn mundi ef til vill tilleiðanlegur til að kaupa nokkurn hluta af eignum þessara útibúa, til þess að hægt sé að fullnægja að nokkru eða öllu leyti ákvæðum um inndrátt á seðlum Íslandsbanka.

Þar sem vér sjáum eigi, að Útvegsbankinn geti í náinni framtíð fullnægt innlausnarskyldunni á nokkurn annan hátt en með sölu útibúa þessara og með tilliti til þess, að útibúin eru byrði á bankanum, vill fulltrúaráð bankans hér með fara þess á leit við hina háu ríkisstjórn, að henni mætti þóknast að leita samninga við stjórn Landsbanka Íslands um lausn málsins á þeim grundvelli, sem að framan greinir. Ennfremur að ríkisstjórninni mætti þóknast að fá breytt þeim lagaákvæðum, sem stjórn Landsbankans telur því til fyrirstöðu, að seðladeild Landsbanka Íslands geti keypt eignir útibúanna að nokkru eða öllu leyti.

Virðingarfyllt

Útvegsbanki Íslands h/f.

Sv. Guðmundsson, Stefán Jóh. Stefánsson.

Til fjármálaráðherrans, Reykjavík.

Fylgiskjal II.

Landsbanki Íslands.

Reykjavík, 27. júlí 1931.

Með bréfi dags. 17. þ. m. hefir hið háa fjármálaráðuneyti óskað umsagnar um erindi Útvegsbanka Íslands, dags. 15. þ. m., viðvikjandi kaupum á tveim útibúum greinds banka.

Á fundi bankaráðsins 23. þ. m. var samþykkt að skirskota til umsagnar

bankaráðsins um þetta efni í bréfi til fjárhagsnefndar neðri deildar Alþingis, dags. 7. apríl s. l. Umsögn bankaráðsins í téðu bréfi er á þessa leið:

„Vildum vér benda á þann möguleika, sem komið hefir til umræðu í bankaráðinu og er á þessa leið:

1. Að Útvegsbanki Íslands h/f afhendi Landsbanka Íslands gullforða sinn.
2. Að Landsbankinn endurkaupi, að fengnu samþykki Alþingis, það af tryggum vixlum og lánum útibúa Útvegsbankans á Akureyri og Ísafirði, sem nægi til þess að bankinn geti dregið inn þær 2,5 millj. kr. af seðlum Íslandsbanka, sem eru ógulltryggðar í umferð“.

Mun bankinn reiðubúinn til að ganga til samninga um málið á þessum grundvelli.

Bréf Útvegsbankans endursendist hér með.

Virðingarfyllt

Bankaráð Landsbanka Íslands.

Jón Árnason.

Til fjármálaráðuneytisins.